

引用書目

御讓狀

梅岳公記豐府所賜感狀及兵仗火器餼糧之數。以授女公子間千代者。卷末題天正三年五月二十八日。手澤猶存。

九州軍記

僧了圓撰。記正慶二年至天正十五年九州戰爭之事。有慶長十二年漢文自序曰。天正十五年。豐國公征九州。前筑委奴郡深江城主深江種治喪邑。因爲

僧名淨念。居前肥松浦郡草野。撰九州軍記十二卷。文祿四年。淨念死。稿本罹災而亡。草野玄厚素與之善。頗記其言。慶長六年。再纂錄成書。然文句鄙拙。多所遺漏。仍有十二卷。而不滿八十紙。余遇世亂。丁零流離。時讀史籍。每見往時祖先功烈。未嘗不嘆息。因取玄厚舊本。紕其紕謬。補輯傳於世。葆光按。此書所記。多與九州治亂記合。蓋治亂記詳於東肥二豐。而此書詳於二筑西肥。雖間有謬誤。亦西州野史之善者也。

豐前覺書

一名清種弓箭物語。元和元年。本藩城戶清種記其父知正語及所自聞見。以授其子也。其文軋茁難讀。頗有記事疎謬年月異同。然以其古。可用為徵也。清種手筆。猶藏其家。

狩野源內兵衛覺書

源內兵衛所筆記也。源內兵衛事高橋元種。為家宰。屢有戰功。從攻巖屋先登。

宗像追考記

不知何人所著。首簡言宗像記一卷。宗像遺臣有一老人。因人請所作。頗多踈謬。今採野史。旁摭逸事。考訂補輯。名曰宗像追考記。別錄遺漏。名曰殘夢抄。葆光按。是書記宗像豐府立花及兩筑事。尤得其實。但不載小貳氏。且錄神佛事。多妄誕。然當時野史皆不免是病也。卷末題元和三年三月。蓋著撰年月也。又題元祿乙亥五月朔。占部三秀寫於住吉茅屋。占部亦宗像族也。

九州治亂記

後豐龍峰寺僧存心撰。文辭簡質。可信據也。龍峰寺吉弘氏墳院。大通侯封三池。招存心居。今山定林寺。巖屋物語亦其所著。詳見於伊藤一蓑高橋記。一蓑寬永正保間之人。則存心居定林寺。必在元和中也。

巖屋物語

僧存心采耆舊所傳治亂記。失載者編輯。

大友興廢記

寬永十二年。勢州人杉谷宗重撰。宗重初事大神惟重。豐國除。居於勢州。家丁離散。獨有一老翁。年八十

餘。宗畫父亦八旬。常聞二老語豐事。因筆記其文朴實。亦野史可取者。然以其主豐府。頗不免有黨肥筑。以其在遠。多不詳。後豐日向事。尤得其實。西國太平記。西國盛衰記。皆采此書。增廣以爲編也。

淺川聞書

淺川安和撰。安和之先世事豐府。至安和爲松蔭公侍臣。寬永十四年。從公於有馬之役。後掌書記數年。自少時聞父老語。疏記以爲是編。然載梅岳公事。頗有謬誤。淺川氏猶藏安和稿本。

大友記

不知何人所作。其撰述蓋在寬永中。記事疎漏。不免傳聞之謬。唯梅岳公諫豐侯事爲可據也。

立花戰功錄

本藩文學安東省菴撰。記松蔭公戰功。

立齋舊聞記

翁物語

並未詳何人所著。其作蓋在元祿之前。併立齋舊聞記。皆記松蔭公事。據淺川聞書。益以異聞。尤爲詳悉。然間有謬誤。不可盡信也。或云一本作立齋舊聞記。元祿二年竹森次行撰。

高橋記

一名紹運記。慶安中。三池藩臣伊藤一義所撰。本藩事據
豐前覺書。而記高橋氏獨詳。然至紀年月日。頗多謬誤。

立花記

元祿九年。攝州人樋口好運乞諸侯譜。撰武家高名
記。雪峰公因命安東守直山崎玄碩。論定先世遺事。
此書疑其稿本也。亦不無繆誤。然記梅岳公始終頗
詳悉。故擇取其可者耳。

十時相模物語

元祿十七年。前筑臣十時雪軒年八十一。追錄所聞
其父相模言。相模初渡邊氏事。梅岳松蔭二公。屢立
戰功。其族連久死朝鮮役。松蔭公以其子尚弱。命相
模相其室。冒十時氏。公去柳河。相模事前筑侯。其子
孫多藏兵器及二公所賜書檄。

九州記

後筑山門郡僧大竹山人著。後肥龍田山僧含虛叟
校訂作序。其書據九州治亂記。增以耆舊傳說。事蹟
詳備。頗有可取。其後或妄改撰。以肥事者。務爲矯

飾。其於肥無關係。仍由舊文。今取其近是者耳。

立花懷覽記

本藩內田賴保撰。其先鎮家號玄怒。屢有戰功。家多藏有先公所賜感狀。參以父老語。以辨駁九州記肥陽軍記戶次軍談。其輯錄在享保中。然此書亦不免傳聞之謬。又頗取戶次軍談。當時蓋尚傳戶次幸榮覺書也。幸榮覺書今亡。

薦野家譜

寶永元年。福岡立花增能著。增能五世祖增時。其先

世居前筑薦野。因以爲族。梅岳公遷立花。增時以豐府命屬公。從軍屢有功。豐侯賜書賞之。至松蔭公。賜姓立花。增時子成家驍勇。朝鮮及江上之役。屢立戰功。松蔭公去柳河。增時父子應筑聘。其子孫在筑者。分爲十數家。皆登顯列。增能父增弘仕爲執政。食祿五千石。嘗欲編纂祖先遺事。未果歿。其姪重根亦好學。多識故事。增能從之咨詢。且其家藏豐府及梅岳松蔭二公所賜感狀器械。據以作是書。頗確實可取。然距今已百餘年。事多缺不備。帙中或雜取野史成

文。不無謬誤也。

利光氏編集

本藩書記利光鎮頭。寶曆中。取藩臣系譜及雜記。係本藩事者。參以父老語。撰是書。詳見其序。然記載過簡。但以其職在史局。至譜牒戰死。尤爲精確也。

戰死錄

文政末年。命有司。據戰死名數。及利光氏編集所撰。戰死名數。寶曆中。本藩替御四箇所通。久受命。采戰死舊記。及各家系譜所作。是編原二書廣之。殆無遺

漏。但歷年久遠。其詳不可知者。唯記某年至某年在某所戰死某甲。亦不無謬誤也。

近代實錄

本藩文學安東守經撰。文辭簡略。敘述不詳。不無可疑者也。

立花家譜

不知何人所作。其撰述在安永中。記事簡略。但如公生年及娶夫人。蓋得其實也。

立花家記

立花事實略

二書亦不知何人作。皆不過五六紙。然以其傳亦古。至公生年屬。多得其實。

立花事實錄

作者未詳。尤爲近出。然引古文書爲徵。間有可取也。古文書

卽感狀手簡書檄等。藏於本藩勲舊家。或遇災亡者。然其副藏於官府。在本藩尤爲要典也。

筑前續風土記

前筑貝原益軒著。載古城墟戰場甚詳。在前筑地理。

尤爲可據也。然至記戰爭。據九州軍記。往往不免紕謬。如生松原石坂休松之戰。以立花軍爲敗是也。

嶋津世祿記

未詳何人撰。蓋薩人所著。今取以備考證。

豐前古城志

寶曆七年。中津成恒玄三及其子女榮賀來元龍等撰。元龍序載。刪舊史繁蕪。以作此編。似有所據者。然不免疎漏也。

豐後國志

享和三年。後豐岡藩唐橋世濟纂輯。載郡國鄉村租稅及寺觀古蹟人物甚悉。記後豐地理者。殊為詳備也。

橘山遺事卷一

日出 帆足萬里鵬卿 譯

門人 岡弘道子毅重訂

梅岳公其先出自大友氏。大友親秀第二子重秀。居後

豐大分郡戶次莊。因為族。重秀生時親。時親十一世

孫親載。徙大野郡藤北鎧嶽。親載生親貞。親貞生惠

德公。諱親家。惠德公娶由布惟常女。葆光按。立花懷覽記。前筑正山

禪師語錄。立花事實畧。以公母為白杵鑑速姊。前筑白杵氏家乘。以為鑑速姊。然據立花家譜。利

光氏編集。以白杵氏為繼母。未詳孰是。今姑從家譜。以待後考。由布氏禱由原八幡

祠有娠。以永正十年三月十七日。生公於鎧嶽城中。

藪河原館。弘道按。藪河原墟在鎧嶽半腹。廣可六百步。東南距藤北村里許。下有竹林。和俗謂

林為藪。故名。今日柳臺。礎石及安輿遺趾尚存。故幼字八幡丸。大永六年夏

六月朔。公年十四。豐侯義鑑召為冠之。賜偏名名

鑑連。幼字八幡丸。後更孫次郎。初名守親。更鑑連。稱伯耆守紀伊守丹後守左衛門大夫。及長

穎敏。驍勇絕人。育士恤民。恩惠備至。雜取松蔭公手書立花家譜戶

次系譜立花家記立花事實略立花記豐後國志。

公在藤北。夏月架涼棚大樹下。晝寢。俄而雷雨震

其上。拔劔斬之去。遂病足。赴軍常乘轎。然素驍武。雖

蹇猶勝。他健者遠甚。已視劔有奇文。號曰斬雷。大友與廢

記下同。祿光按。公常乘轎赴軍。獨見本書及黑田記。黑田記所載尤詳。然永祿十年七月。攻寶滿山。公躬先

士卒指麾。是歲八月。與秋月種實戰。甘水長谷山。一

日七戰。公皆用刀。十二年五月。擊藝長尾軍。躬親搏

戰。皆非乘轎。天正七年八月。納糧於柑子嶽。公乘轎

至遠矢原觀師。此時公年六十七。十二年。赴高良山

軍。乘轎過耳納山。敵放銃斃昇夫。然則公乘轎在六

旬後。黑田記即襲興廢記誤耳。黑田記又載公撫育

群臣遇賓客及平生衣食事甚詳。皆不可信。常山紀談載此事。亦取黑田記也。

公以鎧嶽高峻。常居山下。家臣講習武技。日夜不

倦。近侍綿貫長藏佐藤十三郎藤村小十郎相與言

射。長藏曰。我以指矢射鳩。相距二十六七步。嗚夫支